



Bosna i Hercegovina
Federacija Bosne i Hercegovine
AGENCIJA ZA DRŽAVNU SLUŽBU

Broj: 03-11-7-1119-11/22
Sarajevo, 17.10.2022. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama ("Službeni glasnik BiH," broj 39/14) i Preporuke Komisije za javnu nabavku, broj: 03-11-7-1119-10/22 od 17.10.2022. godine, u postupku javne nabavke Licenci za Microsoft Windows operativni sistem i Microsoft Office programski paket, direktor Agencije za državnu službu Federacije BiH, donosi

ODLUKU o izboru najpovoljnijeg ponuđača

Član 1.

Prihvata se Preporuka Komisije za javnu nabavku robe - Licenci za Microsoft Windows operativni sistem i Microsoft Office programski paket, broj: 03-11-7-1119-10/22 od 17.10.2022. godine i ugovor za javnu nabavku MS licenci, dodjeljuje se ponuđaču FIXIT d.o.o. Sarajevo, ulica Zaima Šarca 34, Sarajevo, po ponudi, broj: 111022/MC001-T od 11.10.2022. godine, za ponuđenu cijenu od 11.170,00 KM bez PDV-a, odnosno, 13.068,90 KM sa PDV-om.

Član 2.

Prijedlog ugovora za javnu nabavku Licenci za Microsoft Windows operativni sistem i Microsoft Office programski paket, dostavit će se na potpis izabranom ponuđaču.

Član 3.

Ova Odluka objavit će se na web-stranici ugovornog organa, www.adsfbih.gov.ba, istovremeno sa upućivanjem iste ponuđačima koji su sudjelovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 03-11-7-1119/22 od 22.09.2022. godine. Javna nabavka je pokrenuta putem Konkurentskog zahtjeva za dostavu ponuda. Procijenjena vrijednost javne nabavke bez PDV-a, iznosi 12.560,00 KM.

Obavijest o nabavci, broj: 167-7-1-101-3-16/22 objavljena je na Portalu javnih nabavki, dana 27.09.2022. godine. Sa Portala Agencije za javne nabavka tendersku dokumentaciju preuzela su 24 ponuđača.

Komisija za javnu nabavku Licenci za Microsoft Windows operativni sistem i Microsoft Office programski paket imenovana Rješenjem Direktora Agencije, broj: 03-11-7-1119-1/22 od 22.09.2022 godine, izvršila je otvaranje, te pregled i ocjenu zaprimljenih ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 6 (šest);
- da su ponude blagovremeno zaprimljene;
- da nije bilo neblagovremenih ponuda;
- da je 5 (pet) pristiglih ponuda prihvatljivo;

Adresa: Hamdije Čemerlića broj 2, Sarajevo | Telefon: 033/ 55 20 40 | e-mail: info@adsfbih.gov.ba | www.adsfbih.gov.ba | www.obuke.adsfbih.gov.ba



- da je 1 (jedna) ponuda neprihvatljiva

Komisija za javnu nabavku sačinila je Zapisnik o pregledu i ocjeni ponuda, te dala Preporuku Direktor Agencije da se ugovor za nabavku robe – Licenci za Microsoft Windows operativni sistem i Microsoft Office programski paket dodjeli ponuđaču FIXIT d.o.o. Sarajevo, koji je, nakon provedene e-aukcije, a u skladu sa kriterijem „najniža cijena“, izabran kao najpovoljniji ponuđač sa ukupnom ponuđenom cijenom od 11.170,00 KM bez PDV-a, odnosno 13.068,90 KM sa PDV-om.

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi Ugovornom organu dokumentaciju u skladu sa tenderskom dokumentacijom, tačka 3.3. TD.

U postupku donošenja ove odluke, Direktor Agencije nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema iste. Žalba se podnosi Uredu za razmatranje žalbi Bosne i Hercegovine, putem Ugovornog organa, u pisanoj formi, u najmanje tri primjerka.



DIREKTOR

Refik Begić, magistar uprave

Dostaviti:

- ponuđačima
- računovodstvu
- spis predmeta
- a/a